



21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44

古130  
854.1  
部-50





金石萃編卷一百二十五


賜進士出身 誥授光祿大夫刑部右侍郎加七級王昶撰

宋三

重修龍興寺東塔記

碑高五尺五寸廣三尺文三十一  
六行行四十六字正書在同州

若夫致情自逸聖人生博奕之談驗性迷方諸祖散指  
月之論是以珠沉於海俾因象之忘機補竅於身使混  
沌之返口則必逍遙委化復歸何有之鄉清淨居真其  
安無過之地何須窮泰極侈恣嗜慾於心胥入聖從凡  
昧修行於眼耳唯釋氏之教興於曠劫金剛三昧為法



金石萃編卷一百二十五

賜進士出身 誥授光祿大夫刑部右侍郎加七級王昶撰

宋

重修龍興寺東塔記

碑高五尺五寸廣三尺文二十六行行四十六字正書在同州

若夫致情自逸聖人生博奕之談驗性迷方諸祖散指  
月之諭是以珠沉於海俾冈象之忘機補竅於身使混  
沌之返口則必逍遙委化復歸何有之鄉清淨居真共  
安無過之地何須窮泰極侈恣嗜慾於心胷入聖從凡  
昧修行於眼耳唯釋氏之教興於曠劫金剛三昧爲法

界之歸依玉毫六通作人天之瞻仰灑醍醐以濡潤澤則無不舒蘇震法樂而激聲教則俱聞踴躍是故衆魔既伏列仙共歡得樹神之精勤感輪王之迴向擎拳合掌悟法相之皆空落髮披緇學菩提之無上其過去未來之因果龍藏名言脩矣此何足以稱揚覺皇受波旬之請而入涅槃雖化身強焚而金質自永舍利之寶散八支那同州龍興寺東塔是其一也截翠嶽於半天影太陽於中道隨氏之將興祥兆見焉金陵電滅浮喜氣於東南火運炎空籠祥光於中夏夾輔王室方嚴承相之尊纂成帝功竟塞神尼之讖隨文曰以所居宅是爲

此寺自後紅樓翠殿高危上入於雲霄寶鐸珠輪光彩傍侵於河洛然則年代深遠功績漸隳瓦墜梁傾歎風摧而雨敗物存基在但日往而月來不有否也其何泰乎有恒農楊氏名繼宗乃左馮十長者也金玉其貞冰霜勵已干以非道有難犯之容動以觀時多不平之色以布施修崇爲己任以謙和儉約爲身謀人倫之中不可多得以爲芝蘭在佩不如戒定之香稽呂成交爭似聲聞之果其是院之西又有長興萬壽院其住院僧前僧正法諱智峯師号嚴靜章服副焉秋袍自擁夏臘甚高羅什博通識五天之儀範道安講唱明三界之曰緣

萬二千五百衆咸願登門一切十恒河沙亦將其貫恒  
農與之爲道侶而甚密亦猶昔之蓮花社也高秋八月  
演摩詰之麀談宴坐一時味如來之真語許檀那爲布  
施奉內財以供佛用精進爲焚修依法身而潔己居一  
日乃謂峯上人言曰東院真身舍利塔毀頽缺漏久矣  
此不爲修如之何有能興者師欣然贊成其事於是集  
工人籌度之鳩衆材聚丹雘無曉無夜經營架搆于時  
卽日而就約其費用將百萬計雲煙乍斂若漢日之再  
中星月共臨疑天樞之獨立非夫有大力量有大志願  
豈能成此殊常之功德哉先是此寺鍾樓斜朽凋壞及  
峯上人院西殿并中尊列侍並隨室時興塑以之寢久  
中間縱有貼補亦罕能全功恒農一旦皆以家財呼匠  
巧取材用及金翠瓦甌之屬並附益修飾之十分之數  
弥縫其七八焉信矣夫世尊之感應長者之護持非獨  
聞於往昔也阿育王之志氣功滿行修給孤園之清涼  
注興教立遂使清信上士盡生降伏之心懽悞衆生頓  
換柔和之性其誘化補報也如此 府主連帥太師鍾  
一千年之 亨運應五百載之閒生衛 社惠民恤  
刑欽政視囚奴如草芥舞陽侯之橫行驅樓蘭若狐狸  
傳孔子之深入方持彆節顯鎮侯藩帳中號令之嚴秋

風偃草門下平章之

命禁殿宣麻 通惣

隴右公朱研益丹玉焚須冷宰衡餘慶自高定國之門

聖祖沖元必握真人之籙 觀風譙郡夏侯公威稜有

執如松栢之負雪霜忠信罔憊比春秋之應日月此際

且登於蓮幕匪朝即列於 冀階嘻道與時來時與賢

會 元戎物望多憐共治之榮調御音容不爽付囑之

意恒農以功願既畢乃率以文之帖也德行無取文學

甚虛進未能輔相 帝王立萬年之運祚退不能

交朋巢許傲列獄之風雲而猶勞役風塵併侗州縣賦

慙鸚鵡肯為席上之珍雨助蛟龍口是池中之物強搜

鄙拙用以紀云

大宋開寶八年乙亥歲四月辛巳朔二十九日辛未

建

寺建自隋而重修于宋開寶之末檀那楊繼宗也碑

內有云府主連帥太師者有曰通總隴右公者有曰

觀風譙郡夏侯公者皆不可攷作碑者名帖而不言

其姓亦無從知之書者并無姓名書法率更方整有

之適逸不如也 石墨 鐫華

右龍興寺碑字畫完好文稱府主連帥太師又云門

下平章之命禁殿宣麻攷之宋史則馮繼業時為定

國軍節度使史不云檢校太師及加中書門下平章事也宋初沿五代之制藩鎮之權尙重繼業在周已歷節鎮名位久顯寵以三公使相之號不足爲異然本傳竟不一書未免失之太略繼業在同州吏民嘗爲立遺愛碑今不復傳矣

潛研堂金石文跋尾

按同州龍興寺有二一在州西北隋開皇年建一在州正西陝西通志不言建于何代但云明洪武嘉靖中重修宋有重修龍興寺塔碑以此碑攷之則亦建于隋文帝時也碑云隋文因以所居宅爲此寺隋書高祖紀皇妣呂氏以大統七年六月癸

丑生高祖於馮翊般若寺紫氣充庭有尼來自河東謂皇妣曰此兒所從來甚異不可於俗間處之尼將高祖舍於別館躬自撫養而不言別館所在馮翊正同州首邑據此碑知龍興寺爲隋文帝居宅矣然據陝西通志又云州治東金塔寺右有興國寺隋文帝龍潛處唐改隆興寺尉遲恭建是又以興國寺爲隋文居宅而改建爲寺又在唐時其非卽龍興寺明矣恐通志未確當以碑爲據也碑載院西有長興萬壽院則今已無考宋史馮繼業傳繼業字嗣宗大名人開寶二年拜靖難軍節度

使三年改鎮定國軍太平興國初來朝是碑載府  
主連帥太師信卽馮繼業建碑之八年尙在鎮也  
定國同末題開寶八年乙亥歲四月辛巳朔二十  
州軍名九日辛未建由辛未上推至朔不應是辛巳據遼  
史朔考四月是癸卯朔方與辛未合碑誤也

福州重修忠懿王廟碑

碑連額高一丈四尺七寸廣七尺一寸四十七行行  
八十四字止書額題重修忠懿王廟碑銘八字篆書  
在福州府

重修威武軍節度福建管內觀察處置兼三司發運  
等使開府儀同三司檢校太師守中書令福州大都督  
府長史上柱國閩王食邑一萬五千戶食實封一千戶  
謚忠懿王廟碑

福州刺史彭城錢昱撰

若夫非常之人必有非常之事者衆所聞矣其或功及  
於國道濟于民生居士茅泮饗廟食者求諸前史罕有  
其倫是以黃石立祠蓋曰遺跡沔陽致祭實表舊功故  
聖人之制也法施於民則祀之以勞定國則祀之苟無

所稱實曰誣祭唯

忠懿王非誣祭歟

公名

審知字詳卿姓王氏本瑯琊人秦將翦三十四代孫高  
祖暉唐貞元中爲光州定城宰有善政以及民因遷家



于是郡遂世爲固始人矣曾祖友贈光祿卿王父蘊玉  
贈祕書少監父愨累贈至太尉光州刺史十圍巨木始  
從厚地以盤根九曲洪河本自仙源而折派若匪降神  
之氣豈生命世之才公卽太尉之季子

也公形質魁秀機辯明敏負英雄之氣者必相  
交友學韜鈴之略者咸詢智謀懸知五典之書暗合萬

人之敵遠近伏其義勇隣里推其孝悌嘗有善相者詣  
公之門視其昆弟三人曰富壽皆一體也而季

當位極人臣自是公竊負之尋遇陟岵興悲在  
原軫念恭事孟仲嚴若父焉軋符末鯨網全踈鳧毛屢

落磨牙吮血中原正苦於傷殘脫未裂裳四海盡疲於  
征戰公蓄慷慨之氣負縱橫之才每或撫髀暗

驚彎弧自誓曰大丈夫不能安民濟物豈勞虛生乎於  
是以以俟時待價之口拯溺救焚之志豪俠相許寢食

不忘雖大鵬未飛已具垂天之勢而神馬一躍終同退  
電之蹤屬王緒者憑巢寇之戈矛盜霍丘之土宇遽言

得志遂啓無馱但思於弱吐強吞豈顧其幸灾樂禍曰  
乃大掠部屬旁口口口復收士民以廣隊伍於是

公之昆季咸預焉及秦宗權竊弄五兵遍侵四境緒  
內乏嬰城之計外無善隣之助遂率眾以作竄欲避地

而偷安玉石俱焚孰能分別豺狼當路無匪縱衡幸豫  
章懦怯之中偶番禹殘害之後凡經藩翰靡或枝梧自

潮陽抵漳浦百姓畏其塗炭五馬避其鋒刃豈知兵忌  
不戢人慎無恒狃蒲騷者終至敗亡好草竊者焉能長  
久動蓄自疑之志本乖同義之心適當軍衆不寶遂爲  
部下所害

公素敦誠信累涉艱危既負出羣之  
才仍諳撫士之術且兵不可以無主將不可以失人衆  
遂推 公而立之 公居下惟謙事長必順

雖輿情之有屬在公論以不忘乃曰予早事二兄嘗若  
嚴訓豈有弟爲大將兄居其下乎遂奉長兄潮以帥其

衆仍獲清源爲所理之地 公由是惡道途之多

梗憤 貢賦之不通實欲致理一方克平羣盜外

惟征繕中則經營運籌之勝負預知攬轡之澄清可待

大順冬□□□□廉察遽亡兵馬使范暉奪符印以自

尊奉緘題而不遜恣行誅戮因事綏懷人既類於倒懸

時合當於逆取 公比緣觀豐因得徵辭遂舉勤

王之師以申弔民之義躬事戈甲身臨矢石一

年而圍□□□□年而堅壁遂陷范暉扁舟欲遁踈網

難逃遂爲海人梟首以獻 公既殲元惡乃布優

恩凡曰脅從悉令宥過用仁信以馭下行慈惠以恤民

金石錄卷一百二十五  
曾未決旬已聞致理百姓愛之如父母三軍畏之如神明又能成功不居讓德無愧遂迎長兄潮遷理是郡復

請仲兄却迭居舊邦

武肅王表率諸侯蕩平大

憝吳越盡歸於賜履江淮咸奉於專征以其能務忠勤遠求薦擢遂

秦授本道廉察及泉州符印偕命

焉尋

朝庭以寰海挺災久勞我武東南靜亂獲

庇吾民俾提旄鉞之權口口袴襦之惠遂升本州為威武軍授潮節度觀察處置等使仍以

公為節度

副使獎勲績也洎元昆殂謝衆庶歸依

公乃恭

受遺言式俟

朝命明年春

帝恩遠降人

欲是從初授

公檢校刑部尚書威武軍節度兵

馬副大使將委十連之任猶居貳職之勞一之日訓習驍雄二之日蘇息疲瘵用心數月善政聞

天於

是進端揆之資正元戎之位齋壇高築軍幕大開分周詩屏翰之權握從口鼓鼙之任未幾顯居使相特錫戶

封方隆推轂之寄又藉秉鈞之力當多難未弭聊同指辭之相須及具瞻有歸寶賴股肱之迭用式資補袞俾

重褰帷天復元年載正

軋綱重光

帝座

言念七閩之地口

符

八柱之功特頒渥恩用越倫等賜

武庫戟十二枝列于私門非恒例也自是日鍾百祿歲

奉九遷

公致

君愈勤述職無怠萬里輸

貢川陸不繫其餘一心

尊戴風雨不改其志

昭皇累嘉忠節別錫異數欲酬懋德豈限彝章天

祐元年夏四月封瑯琊郡王食實封一百戶尋屬龍虬

起陸戎馬生郊人心未馱於有唐天命已歸於新室

公知微不爽居暗罔欺

梁祖之卽位也纔

傾作解之恩繼舉疇庸之典三公手拜萬戶連封呂尙

帝師之尊官榮旣極子儀中令之貴考限微同尋復進

封閩王加福州大都督府長史迨

庄宗之建王

業也神州克復寓縣咸寧欲敦柔

遠

之心先下念功之

詔遂增并賦仍改功臣式覃

北闕之恩用倚南

門之寄

方推拱

極冀効安邊惟治民

素屬於憂勤而得疾遽從於綿篤百靈無効五福克全

以同光三年十二月十二日薨

於正

寢享年六十有四

朝廷素欽盡節俄覽遺文旣增愁老之悲豈愜

飾終之典冊贈尙書令謚曰忠懿禮也

公生當

離亂之運出值艱難之秋割據一方蓄養百姓得深溝

高壘之固有被堅執銳之衆瞻水陸之產通南北之商

鑄銅于蜀山積粟於洛口者不足言其富也連臨淄之

袂投淝河之筆者不足言其庶也至若外含大度內用

金石錄卷一百二十五  
小心慎刑既極於精詳舉事悉從於簡略犯則不赦令  
比秋霜之嚴恩本無私惠如冬日之暖民惟道化吏以  
法繩此可以稱善爲政矣言皆必中行罔自欺非正辭  
不入於聰非公事不宣於口居常無聲色之樂平生以  
禮義自守念十家之產者躬行節儉懷五子之歌者心  
誠荒唐每當爍石之威未嘗操扇纜屬鳴雞之候早見  
嚴裝以德報恩遠踰萬里至誠感物動契百神此可以  
稱善立身矣興崇儒道好尚文藝建學校以訓誨設廚  
饌以供給于時兵革之後庠序皆亡獨振古風鬱更舊  
俗豈須齊魯之變自成洙泗之鄉此得以稱善教化矣

懷尊賢之志躡愛客之道四方名士萬里咸來至有蓬  
瀛謫仙鴛鴦舊侶或因官而忘返者或假途而情去者  
盡赴築金之禮皆歸簪珥之行其餘草澤搜羅車魚待  
遇者故不可勝紀此得以稱善招納矣尊天事地奉道  
享神無非克誠足以監德然而素欽釋典大廓法門衆  
善皆臻何德不報無漏上智苾蒭散布於諸方有作良  
因伽藍遍滿於樂國鍊卽山之堅固鑄丈六化身鎔麗  
水之光輝寫五千秘藏事非爲己願乃庇民此得以稱  
善求福矣功惟理亂志在盡忠安不忘危常爲恃險之  
誠小當事大罔違與國之道以至覆盂數郡高枕三邊

雖昆彭致霸之傳未能繼踵在他變自尊之患故不同  
風此得以稱善守位矣且天惟佑德民本懷仁

公享富貴者三十年傳冊封者四五世遺愛銘于人口  
忠節書于國史臣子之盛不亦大乎逕自陵谷變遷箕  
裘廢墜寂寞闕以時之薦淒涼同之祀之悲仕農工商  
慕舊政以如在潢汙蘋藻望遺廟以不存丙午歲

我師恤隣闔境向

化遇

今天元帥失越國

王位鍾墜紐運偶負圖當保大定功之初行興滅繼絕  
之義旣克寧於民庶思咸若於鬼神每念閩川所歸本  
由王氏而盛雖子孫異代已同薰燼之傷而春

秋二時宜陳籩豆之禮遂命以

公舊第爲

忠懿王廟仍參常祀之數

霸主爰修於廢

祭藩侯遂立於叢祠行馬戟枝尙存故物豚肩樽酒早  
薦惟馨聖 山庭月角之容立偕老于飛之像庭

庶未周於工績槐檀旋改於光陰舊運難尋已絕羅含  
之蘭菊重門長閉但多仲蔚之蓬蒿旣乖與祭之儀殊  
闕致誠之所大宋開寶七年秋九月大元帥吳越國王  
以時和歲豐家給人足俾荅福謙之祐遂申成秩之典  
凡曰祠廟毀廢並出錢帛修完乃命衙直將躬授人工  
旁搜材植補遺基而皆備易舊物以咸新曾未逾時已

聞告畢奢儉得以中度規製得以合禮朱軒粉壁隨晚  
霽以生光修竹喬松向寒霜而吐色逞曹筆則陰兵欲  
動闔郢工則神馬欠嘶部從悉周精靈如在矧以故鄉  
將吏開幕賓寮當其草昧干戈屢經勞苦泊自樹立基  
構盡享崇高乃翌都押衙建州刺史孟威等二十六人  
以配饗焉斯廟也前瞰清游右連淨刹一路自無於塵  
雜四隣皆屬於幽奇曉霧纒開先露列牕之岫疎鍾雖  
近不驚繞樹之禽 公昔也嘗遊宴於斯今也復

祠祭于此始易宅而為廟矧將廢而能興苟非陰德不  
衰令名未朽又豈能身歿之後有如此之盛乎豈叨居  
是藩獲畢斯事仰 嘉猷之未遠聽 遺愛

以長新爰述短才庶存實錄燕然叙事雖有謝於孟堅  
峴首感人亦未多於叔子乃為銘曰

極天曰嶽 惟嶽有神 蓄是英氣 生為異人 干  
霄利劍 瑞世祥麟 爰當季運 實庇蒸民 其一

唐德將衰 羣雄欲出 陰霧垂地 祆氛蔽日 豺  
豕猖蹶 藿蒲縱逸 苟非偉才 焉濟王室 其二

權為巨盜 緒亦朋姦 欲亂中夏 首屠光山 誰  
謂英傑 同罹險艱 終則竄跡 能無厚顏 其三

爰率部民 同祖萬里 緒為眾惡 公得眾美 回

戮兇人 遂奉君子 立功著名 自此而始 其四

漳浦旣寧 清源復平 遂以政事 授于難兄 孝

實志性 謙惟直誠 靜乃指讓 亂則經營 其五

憤彼閩川 樹茲裨將 苛虐漸篤 政刑俱喪 銳

旅大驅 凱歌連唱 克定一方 式 詰 衆望 其六

始參貳職 已播殊勲 屏翰之美 朝廷備聞 迨

居重鎮 繼事明君 盡忠竭節 松茂蘭薰 其七

偃仰大藩 廢庠五郡 雖曰功庸 亦由時運 二

柄齊舉 七德兼訓 令子令孫 當年振奮 其八

真王重望 上相清規 陵谷雖變 馨香不衰 俯

緣甲第 遂立嚴祠 年禩屢易 籩豆或虧 其九

霸主推恩 良時有待 舊廟 克新 遺蹤不改 奠

介金碧 儼然神彩 靈貺芳名 千秋如在 其十

大宋開寶九年三月二十五日立

攝閩縣丞將仕郎試太子校書林操書

口口口知李文質篆額 封擊使林口鐫字

按此碑今在福州府城東慶成寺側忠懿王廟中

文凡三千二百餘字泐不可辨者四十四字今從

十國春秋所載碑文與此互校增補旁注二十六

字文爲錢昱撰林操書李文質篆額操與文質皆



無攷宋史吳越錢氏世家昱字就之忠獻王佐之  
長子佐薨昱尙幼國人立侖後俶嗣國授昱秀州  
刺史太祖受禪俶遣昱入貢俶得福州命昱守之  
開寶九年二月俶入朝三月歸國此碑卽建於是  
時吳越之得福州始于晉開運三年十月忠獻王  
時遣將余安救福州破唐兵李達舉所部歸附自  
是屢命使守福州至乾德五年忠懿王以叔元瓚  
知州事元瓚卒至開寶七年以從子昱爲刺史築  
夾城開城河因而修閩忠懿王廟且立是碑閩忠  
懿王者王審知也碑云公名審知字詳卿兩五代

史皆作字信通碑云高祖暉唐貞元中爲光州定

城宰唐書王潮審知傳云五代祖暉爲固始令碑

云屬王緒者復收士民以廣隊伍公之昆季咸預

焉及秦宗權逼侵四境緒率衆自潮陽抵漳浦遂

爲部下所害唐書潮傳次南安劉行全不自安與

左右數十人伏叢翳狙縛緒以徇薛五代史王審

知傳有賊帥王緒者自稱將軍陷固始縣審知兄

潮時爲縣佐通鑑亦作縣佐新唐書歐五代史皆

從緒署爲軍正蔡賊秦宗權以緒爲光州刺史等

遣兵攻之緒率衆渡江自南康轉至閩中入臨汀

自稱刺史緒多疑忌潮與豪首數輩共殺緒歐五代史則云緒前鋒將選壯士數十人伏篁竹間伺緒至躍出擒之囚之軍中緒後自殺碑云衆遂推公而立之公曰予早事兄豈有弟爲大將兄居其下乎遂奉長兄潮以帥其衆仍獲清源爲所理之地唐書潮傳衆推行全爲將軍辭曰我不及潮請以爲主潮除地剗劍祝曰拜而劍三動者我以爲主至審知劍躍于地衆以爲神皆拜之審知讓潮自爲副薛史云潮拜劍躍于地衆以爲神異卽奉潮爲帥歐史云緒已見廢前鋒將曰生我者潮也

乃推潮爲主碑云大順冬廉察遽亡兵馬使范暉奪符印以自尊公遂舉勤王之師范暉扁舟欲遁遂爲海人梟首以獻唐書潮傳初黃巢將竊有福州王師不能下建人陳巖率衆拔之自領州巖卒其婿范暉擁兵自稱畱後潮乃遣從弟彥復將兵審知監之攻福州暉亡入海追斬之薛史云唐光啓二年福建觀察使陳巖表潮爲泉州刺史大順中巖卒通鑑作大順二年子壻范暉十國春秋引林仁志王氏啓運圖作妻弟自稱畱後潮遣審知將兵攻之踰年城中食盡乃斬暉而降歐史云景福元年巖卒其壻范暉自稱

畱後潮遣審知攻暉審知親督士卒攻破之暉見  
殺碑云公既殲元惡成功不居遂迎長兄潮遷理  
是郡復請仲兄邽迭居舊邦武肅王奏授本道廉  
察及泉州符仰偕命焉朝廷升本州爲威武軍授  
潮節度觀察處置等使仍以公爲節度副使洎元  
昆殂謝明年春十國春秋云光化元年春三月己丑帝授公檢校刑  
部尚書威武軍節度兵馬副大使進端揆之資正  
元戎之位顯居使相特錫戶封天祐元年夏四月  
封瑯琊郡王實封一百戶按唐于兢撰德政碑云潮付公以戎旅仍具表奏尋加刑部尚書威武軍畱後俄授金紫光祿大夫右僕射本軍節度使又改光祿大夫檢校司空

轉特進檢校司徒又轉檢校太保琅邪郡王食邑四千戶食實封一百戶唐書潮傳昭

宗假潮福建等州團練使俄遷觀察使乾寧中寵

福州爲威武軍卽拜潮節度使檢校尚書左僕射

卒潮病以審知權節度讓審邽不許詔審知檢校

刑部尚書節度觀察畱後朱全忠薦爲節度使同

中書門下平章事天祐初進琅邪郡王薛史云潮

盡有閩嶺五州之地表其事昭宗因建威武軍于

福州十國春秋作乾寧三年九月以潮爲節度福建管內觀察

使審知爲副潮寢疾命審知知軍府事潮薨審知

以讓其兄審邽審知自稱福建畱後表于朝廷唐

末為威武軍節度福建觀察使累遷檢校太保封琅邪郡王歐史云唐以潮為福建觀察使潮以審知為副使乾寧四年潮卒審知代立唐以福州為武威軍拜審知節度使累遷同中書門下平章事封瑯邪王碑云梁祖之即位也于國春秋作開平三年五代會要作四年進封閩王加福州大都督府長史迨莊宗之建王業也遂增并賦仍改功臣按據此似當有功臣之號今碑題及諸史皆未見同光三年十二月十二日薨贈尚書令謚曰忠懿薛史云梁朝開國累加中書令封閩王同光元年卒歐史與碑同十國春秋云同光二年五月

唐加王檢校太師守中書令同光三年十二月辛

未薨原注任臣按通鑑目錄十一月庚寅朔則十月當為庚申朔辛未正十二日也福州志

作五月五日卒是日罷節事相沿至今郡人猶用初四日為節此志誤也王以乾寧四年丁巳嗣威武節度使至同光三年乙酉薨實在位二十九九年九國志舊五代史皆以為元年卒者非也以

上皆碑文之與諸史詳畧互異者有如此碑又云

丙午歲我師恤隣闔境向化遇大元帥吳越國王

命以公舊第為忠懿王廟丙午為晉開運三年吳

越錢氏志十四州錄錢塘錢文翰纂輯載後晉開運三年

冬十月閩大亂李逵乞師于忠獻王王命都監使

水邱昭券等將兵水陸救福州戊戌王又遣將余

安自海道救福州大破唐兵入福州李達舉所部  
 歸附卽碑所云我師恤隣闔境向化也今大元帥  
 吳越國王者謂忠懿王錢俶也下云塑山庭月角  
 疑是日角之訛之容謂王像也立偕老于飛之像謂王夫  
 人像也違曹筆則陰兵欲動是畫兵將也鬪郢工  
 則神馬欠嘶是塑神馬也都押衙建州刺史孟威  
 等二十六人配饗檢福建通志誤作一十六人孟  
 威則無考通志又云歷代以來迎春日郡守遣祭  
 取此碑下土爲春牛萬歷二十八年裔孫王一騰  
 等請有司清復舊址發帑重建適轉運副使臨海  
 王亮亦王裔孫力襄厥成然則王氏之世澤不爲  
 不永矣

常清靜等經碑

碑高五尺二寸廣二尺八寸作四截  
 書每截二十七行行十三字正書

始平龐仁顯書

白廷璨畫像

畫像

太平興國五年二月二十一日

太上老君常清靜經  
經文不錄  
 下仿此

太上昇元消災護命經

大宋太平興國五年庚辰歲閏三月十五日建  
太上天尊說生天得道經

大宋太平興國五年歲次庚辰閏三月二十一日建

此行篆書

此碑首清淨經次消災護命經次生天得道經書者  
始平龐仁顯全習皇甫碑法虬健絕倫置之唐人名  
書中殆不可復辨但經首乃作菩薩畫像何也

石墨鐫華

按此碑刻道家三經首有畫像下題道士黃元之  
等十一人名後一行云太平興國五年二月二十  
一日次刻太上老君常清靜經末刻糾首樊有永

等三十七人名內一行云永在宣聖廟建立道經  
而列于廟學其意蓋欲託宣聖以傳久遠也次刻  
太上昇元護命經題太平興國五年閏三月十五  
日建次刻太上天尊說生天得道經題太平興國  
五年閏三月二十一日建獨此行是篆書餘皆正  
書刻非一時然僅兩月而成亦云敏矣

上清太平宮碑

碑連額高一丈二尺四寸廣五尺二寸二  
十九行行六十字行書額正書在蓋屋縣

重刊終南山上清太平宮碑銘并序

正奉大夫行給事中直學士院上柱國賜紫金魚袋

金石錄卷一百一十五  
臣徐鉉奉 勅撰

翰林待 詔正奉大夫太府少卿同正柱國臣張振

奉 勅書

臣聞鴻荒代序太極流形工儀肇判而猶通萬類交馳而未別巢居血飲孰知王者之尊物魅神姦尙作生民之患於是聖人繼統大化宏開畫八卦而序四時奠五山而分九服衣裳軒冕采章之制以庸動植飛沉性命之宜必遂高卑旣位幽顯旣分蒸嘗雩禘致其恭宗祝史巫紀其秩猶或觀其道而設教依於人而後行通其變而不窮感於物而遂動未始有極無得而名其或數

偶三災德如一季民懷慈衛帝念疇咨必有靈符允歸興運易著與能之旨傳稱觀政之徵史遷之論至哉左氏之書詳矣 我國家受天之命如日之昇御六氣而平泰階麗大明而照萬國清亂略於百王之季返淳風於遂古之初天瑞呈祥羣靈受職粵 御麤之元祀有神降于鳳翔府蓋厓縣之望仙鄉其象不形其言可紀蓋 麤帝之佐命禹強之官聯真位叅於 紫微靈職分於井鉞其稱述則濡麤之奧旨其敷演則禳禱之嚴科教義之深也則孝友姻睦之行興焉威力之大也則魍魎魑魅之害除矣由是秦雍之地尸而祝之

太祖神德皇帝聖智淵深 睿謀默識饗之明德待  
以不祈方且奉 天時而荅靈心握元符而齊七政故  
得 皇猷允塞庶績其凝舞兩階而四隩來同正九伐  
而庶邦承式得遺珠於象罔叶吉夢於華胥乃知靈告  
之不誣 駿命之如響豈止五車兩騎來爲牧野之祥  
赤帝素靈出表芒碭之應而已哉 今皇帝千年

應運 二聖繼明恢 大業而惟新浸 深仁

而累洽如周王之翼翼若夏后之孜孜 聖作無

方先幾靡測雲門大濩綜六代之昭聲稷下淹中采百

家之精義酌而不竭者衢樽之味仰之弥高者 垂象

之文 王澤旣流頌聲無斁而復念深猷 后義切勤

民 睿卷春臨 皇威電擊大禹會諸侯之地

盡入隄封宣王逐獫狁之鄉率從稽服舉無遺策役不

踰時聊存尉候之官已戢橐鞬之器 瑤圖之盛也

如此珍符之至也如彼深惟彤鬯益驗昭明而豐報未

嚴壽宮不度非所以光敷景貺垂示方來者也夫庸庸

祇祇爲政之要元元本本致理之端蓋神之命受於

天天之造始於道是用歸誠衆妙訪制昭臺申畫福鄉

聿崇仙館緬惟 虛皇之真境參以 聖鑿之嘉

名 詔立上清太平宮於所降之地尔其星壇玉井邑



峙金城終南峻極鎮其前渭水清深紀其後鮮原靡迤  
接漢皇訪道之臺佳氣鬱葱對闕令修真之宅物皆茂  
遂風雨罔憊人盡淳和舟輿不用瞻新宮之爲狀也崇  
墉繚野絳闕陵空秘殿雲高俯軒櫺而轉眩修廊繩直  
步欄宇而中疲極丹青黼藻之工窮銑鎔璧璫之飾玉  
几正御璠璣在庭 帝座旣嚴衆真畢饗鹿巾霞  
帔之士霓旌絳節之儀空歌洞章揚其音紫烟素雲散  
其彩飈歛之馭縹眇於太虛氤氲之氣充被於羣有至  
矣哉 元后之德與天地合 眞人之應將

富壽并亦何必定郊廓以下年禪岱宗而採策者也夫

金石之刻雅頌之興所以示民不佻永啓厥後况乎尊

道貴德廣清淨之風窮神知化超言象之表是宜告於

太史副在名山爰 命下臣式揚 丕烈其銘曰

上天之載 無臭無聲 忽恍有象 氤氲化成 寄

以神理 發爲昭明 惟德是輔 惟皇作程 赫矣

元后 悠哉遂古 咸有靈貺 式昭天祚 龜出清

洛 鳳臨元扈 赤字興堯 玉書授禹 降及商亳

逮于邠岐 天之所啓 神亦格思 牲玉有秩

馨香孔儀 奕奕宗祀 子孫保之 道德不衰 質

文不復 俗限楚夏 運遷水木 時歎陵夷 民嗟

慘黷 必有真人 膺圖受錄 皇哉帝宋 大拯橫  
流 出自蒼震 類茲九疇 垂衣卷領 端拱凝旒

永口建福 式叶人謀 有煒明靈 降從元極

致帝之命 口政之德 用薦忠信 寧惟黍稷 藉

陋蕙蘭 帳非甲乙 運隆二聖 慶洽重光 誕敷

一德 奄有八荒 時文載郁 我武惟揚 通幽受

職 罄宇儲祥 乃卷瓊符 本乎至道 肇建仙館

是彰元造 前望中南 旁瞻豐鎬 泱泱平原

崇崇新廟 端闈特立 秘殿宏開 九華之室 方

丈之臺 平窺列戟 直寫昭回 空峒口尔 姑射

遼哉 聖靡不通 道無不在 靈場旣穆 祀典無

改 福尔蒸黎 格于四海 用刻貞珉 永垂千載

太平興國五年歲次庚辰四月癸酉朔九日辛巳建

按上清太平宮今名太平興國觀陝西通志在盩

厓縣東三十里終南鎮宋太宗以年號名宮今俗

呼雪樣宮碑建於太平興國五年撰者徐鉉書者

張振宋史徐鉉傳鉉字鼎臣廣陵人仕江南歷吏

部尙書及隨煜入覲太祖命爲太子率更令太平

興國初直學士院加給事中官位與碑合張振無

攷碑云我國家御歷之元祀有神降于鳳翔府盩

屋縣之望仙鄉蓋屋縣後唐隸京兆府晉隸鳳翔府宋因之玉海云國初有神降于蓋屋民張守真家守真爲道士卽所居創北帝宮太宗嗣位真君降言有忠孝加福愛民治國之語詔于終南山下築宮凡二年宮成宮中有通明殿題曰上清太平宮如真君預言祀神之夕上望拜興國六年十一月壬戌封神爲翊聖將軍祥符七年加號翊聖保德真君凡真君所降語帝命王欽若編爲三卷上作序名曰真君傳此碑建時蓋猶未封將軍之號也陝西通志又載此宮有太祖神御之殿檢宋史

禮志神御殿太祖七無上清太平宮太宗七一曰鳳翔上清太平宮是通志作太祖者訛也蘇文忠年譜嘉祐六年辛丑年二十六授大理評事鳳翔府簽判七年壬寅官於鳳翔詩集載壬寅二月有詔令郡吏分往屬縣減決囚禁自十三日受命出府至寶雞號郿蓋屋四縣旣畢事因朝謁太平宮而宿於南谿谿堂詩有云先帝膺符命行宮畫冕旒自注云十七日寒食自蓋屋東南行二十餘里朝謁太平宮二聖御容此所謂二聖者據禮志又載真宗聖御之殿十有四其一鳳翔太平宮蓋謂

太宗真宗二聖亦非謂太祖也碑末云四月癸酉朔九日辛巳建宋紀四月不書朔五月書癸卯朔据遼史朔考是歲正月丙子朔宋紀同二月乙巳朔三月甲戌朔閏月甲辰朔四月甲戌朔五月癸卯朔六月癸酉朔七月癸卯朔若依碑四月作癸酉朔則是年四五月連三次大盡矣似未必然然此是奉勅撰書之碑不敢謂不足據而又不能据碑以疑遼史之有誤姑識以備攷

扶風夫子廟堂記

碑高五尺一寸八分廣三尺二寸四分十九行行三十字不等正書在扶風縣

唐駕部郎中程浩撰

南岳講華嚴經法界觀文章字學宣義大師賜紫夢英書并篆額

文見前不錄

此記刊石元在湖州臨安縣夢英嘗愛斯文見其格高才大言婉思逸真可以發揚夫子之聖德然以文章近代道理多虧亾實取華弃卒逐末前賢直述後輩

誰知程氏清詞光掩星辰韻諧金石良可重也今轉輸二君子好奇尚異見請重書慮此雄文久而湮泐

冀流傳於終古重建立於鎬京今上石畢功特為之後

序時壬午歲六月廿五日重建

安文察刊字

承奉郎守太子右贊善大夫陝府西南路諸州水陸

計度同轉運賜緋魚袋祖吉

通直郎行左補闕陝府西南路諸州水陸計度轉運

副使賜緋魚袋趙載

朝散大夫行殿中侍御史通判永興軍府事師頌

朝散大夫行尚書考功員外郎權知永興軍府事柱

國李準

右夫子廟堂記唐駕部郎中程浩撰宋宣義大師夢

英書世多喜誦此文而夢英書法一本柳誠懸然骨

氣意度皆弱不能及也

東里續集

扶風縣夫子廟碑首云天地吾知其至廣也云云作

者唐大歷二年丁未駕部郎中程浩碑尙在扶風縣

令傳爲皮日休誤矣皮在僖宗廣明年與大歷相去

年代殊遠不知何以錯誤如此此碑書法清勁仍多

古字地作墜三作式道作循子作塙光作允唐作𡗗

天作𡗗善作善遊作遂曹作畧升庵外集

按碑文爲程浩撰相傳爲皮日休而碑作程浩豈日

休代浩作歟攷日休文藪無此文則當從碑余竊謂

代作之說宜有之既代作之作則已集中自不必載

耳觀妙齋金石攷略

按此文爲唐駕部郎中程浩撰釋夢英正書篆額文全篇已載本書九十五卷全文五百四十餘字彼碑存者祇七十一字已取唐文粹所載增注於彼卷矣此碑所存祇半篇計二百四十六字亾其後半而所存之文間有與彼卷增減互異之處今全文不錄惟摘記其不同者天地吾知其至廣以其無不覆載彼卷知下無其字廣下有也字無下有所字下四句仿此測明以尺圭彼明作景偉夫夫子彼作偉哉家國用和彼作用肥道不可筌其有物

彼不作未筌作詮我先師夫子聖人也彼於聖人上重夫子二字古之帝聖者曰堯古之君明者曰禹二句彼作帝之聖者曰堯王之聖者曰禹師之聖者曰夫子三句用之而昌捨之而亾彼而皆作者昔否於宗周今泰於皇唐彼無宗皇二字不然何耀袞而裳垂珠而王者矣彼不然下有者字耀作被珠作旒矣作哉此下彼有扶風古縣也云云半篇此全闕後夢英記重建原委其湖州臨安之誤及考證之處前跋已詳茲不贅但文佚其半而記內不言及缺失之由何也夢英書此碑似亦在

遊中南山時距其書千文又十七年此碑題名作英前作瑛不同而文章字學宣義夫師八字則前碑所無者太宗即位二年改名炅故賜號不避義字末題重建歲月曰壬午歲六月蓋太平興國七年也後列同轉運祖吉轉運副使趙載權知永興軍李準三人銜名宋史俱無傳陝西通志名宦亦不載夢英記但言轉輸二君子而銜乃有三人者知軍尊于轉運不可略也

兗州文宣王廟碑

碑連額高一丈四尺五寸廣五尺二十九寸行行七十二字行書篆額在曲阜孔廟

大宋重修兗州文宣王廟碑銘 并序

起復翰林學士朝散大夫尚書都官郎中知制誥柱國賜紫金魚袋臣呂蒙正奉勅撰  
翰林待詔朝散大夫少府監丞臣白崇矩奉勅書并篆額

聖人之興也能成天下之務能通天下之志然亦不能免窮通否泰之數是故有其位則聖人之道泰無其位則聖人之道否大哉夫堯舜禹湯其有位之聖人乎我先師夫子其無位之聖人歟昔者大道既隱真風漸漓有為之跡雖彰禪代之風未替繇是堯舜禹湯苞至聖

之德有其位故德澤及於兆民逮乎周室衰微諸侯強盛干戈靡戢黔首疇依繇是仲尼有至聖之德無其位所以道屈於季孟嗚呼夫子以天生之德智足以周乎萬物道足以濟於天下而棲遑列國卒不見用得非其道至大而天下莫能容乎復乃當時之生民不幸乎向使有其位用其道又何止夾谷之會沮彼齊侯兩觀之下誅其正卯墳羊辨土木之祇楛矢驗蠻夷之貢必將恢聖人之道功濟乎宇宙澤及於黎庶矣奚一中都宰大司寇可伸其聖道哉嗟夫文王沒而斯文未喪時命屯而吾道不行可爲長太息矣洎乎河圖不出鳳德云

衰爰困蔡以厄陳遂自衛以返魯于是荆詩書讚易象因史記作春秋大旨尊王者而黜霸道威亂臣而懼賊子然後損益三代之禮樂褒貶百王之善惡蕪而穢者芟而夷之紊而亂者綱而紀之建末俗之郭郭垂萬祀之楷則遂使君臣父子咸知揖讓之儀貴賤親疎皆識等夷之數功均造物德被生人昭昭焉蕩蕩焉與日月高懸天壤不朽者夫子之道乎故曰自生民以來未有如夫子者也非夫道尊德貴惟幾不測孰能與於此乎故天下奉其教尊其像祠廟相望者豈徒然哉自唐季而下晉漢以還中原倣擾寓縣分裂四郊多壘鞠爲羶



鬪之場五岳飛塵竟以干戈爲務周雖經營四方日不暇給故我素王之道將墜於地光闡儒風屬在

運我 應運統天睿文英武大聖至明廣孝皇帝

纘寶位也以徇齊之德兼睿哲之明惣攬英雄之心苞

括夷夏之地 皇明有赫 聖政日新解網

泣辜示至仁於天下獲亡取亂清大憝於域中復浙右

之士疆真王匍匐而聽 命伐并汾之堅壘兇堅倒

戈而係頸戎車一駕掃千里之祇氛 泰增再陟展

三代之縟禮拯亂則予伐非所以佳兵也懲惡則止殺

蓋所以遵法也然後修禮以檢民跡播樂以和民心禮

修樂舉刑清俗阜尙猶日慎一日 躬決萬機近甸

絕禽荒之娛後庭無遊宴之溺遂得羣生蠢蠢但樂於

天時萬彙熙熙不知乎 帝力信可以高視千古躡

轆白王謂皇道旣以平華戎又以寧爾乃 凝神太

素 端拱穆清闡希夷之風詮真如之理間則披皇

墳而稽帝典奮 睿藻以抒 宸章

哲王之能事備矣 太平之鴻業成矣居一日乃

御便殿謂侍臣曰朕嗣位以來威秩無文遍修羣祀

金田之列剝崇矣神仙之靈宇修矣惟魯之夫子廟堂

未加口葺闕孰甚焉况像設庠而不度堂廡陋而毀頽

觸目荒涼荆榛勿剪階序有妨於函丈屋壁不可以藏  
書既非大壯之規但有巋然之勢傾圯窳久民何所觀

上乃鼎新規革舊制遣使星而歲事募梓匠以儻  
功經之營之厥功告就觀夫繚垣雲矗飛簷翼張重門  
呀其洞開層闕鬱其特起綺䟽瞰野朱檻凌虛眈眈之  
邃宇來風轍轍之雕甍拂漢迴廊複殿一變惟新升其  
堂則藻火黼黻昭其度也登其筵則豆籩簠簋潔其器  
也春秋二仲上丁佳辰牢醴在庭金石在列侏侏衆賢  
以配以侑凜然生氣瞻之如在時或龜山雨霽岱嶽雲  
斂則重櫺疊拱丹青晃日月之光龍榜雲楣金碧焜烟  
霞之色輪奐之制振古莫儔營繕之功于今爲盛繇是  
公卿庶尹鴻儒碩生相與而言曰凡

明君之作

事也不爲無益害有益必乃除千古之患興萬世之利  
然後納華夷於軌物致黔首於仁壽天子無位立教化  
人以文行忠信敦俗以冠婚喪祭爲民立防與世垂範  
是以上達

君下至民用之則昌不用則亡

我后膺千年而出震奄六合以爲家一之日二之日訪  
蒸黎之疾苦三之日四之日辨官材之淑慝尔乃脩武  
備崇文教輕徭薄賦興廢繼絕于是睠我先師嚴其廟  
像棟宇宏壯僅罕倫比遂使槐市杏壇之子竟鼓篋以

知歸褒衣博帶之儒識橫經之有所矧乃不蠹民財不  
耗民力時以農隙人以悅使向謂興萬世之利者斯之  
謂歟與夫秦修阿方唯矜土木之麗楚築章華但營耳  
目之玩可同年而語耶將勒貞珉合資鴻筆臣詞慙體  
要學謝大成  
形庭猥廁於英翹內署謬司於綸誥  
頌  
聖君之德業雖効游楊仰夫子之文章誠慙  
狂簡恭承  
睿旨謹杼銘曰

周室衰微兮諸侯擅權

魯道有蕩兮禮樂缺然

神降尼丘兮德鍾于天

挺生夫子兮喪亂之年

秀帝堯之姿兮類子產之肩

苞聖人之德兮稟生知

之賢

刪詩定禮兮紉謬繩愆

智真造化兮功被陶

甄  
下學上達兮仁命罕言

將聖多能兮名事正焉

道比四瀆兮日月高懸

仰之彌高兮鑽之彌堅

歷聘諸國兮陳蔡之間

時不用兮吾道迭邇

麟見

非應兮反袂漣漣

梁木其壞兮歎彼逝川  
王爵疏

封兮袞冕聯翩

百世嗣襲兮慶及賞延  
明明我

后兮化洽無邊

崇彼廟貌兮其功曲全  
高門有閤

兮虛堂八筵

吉日釋菜兮陳彼豆邊  
雕堯畫楫兮

旦暮含煙

海日一照兮金翠相鮮

帝將東封兮求

福上躋

千乘萬騎兮轟轟闐闐

謁我新廟兮周覽

金石錄卷一百二十五  
躡蹠 肆覲羣后方岱宗之前

太平興國八年歲次癸未十月癸未朔十六日戊戌

建

鐫字褰厚

碑陰

內品同監修阮懷俊

殿直同監修樊繼源

內品同監修張從訓

高品監修東岳并文宣王廟夏侯忠

泰寧軍節度使特進檢校太傅孫承祐

宣德郎右補闕直史館權知軍府事賜緋魚袋石熙

古

承奉郎守秘書省著作郎通判軍府事王仲華

管內觀察判官朝奉大夫檢校尚書水部員外郎兼

監察御史柱國賜紫金魚袋庾文鐸

觀察支使朝散大夫試大理評事兼監察御史鞠光輦

節度推官徵事郎試大理司直葉輔

四十四代孫左贊善大夫襲封文宣公宜 母弟著

作郎監確貨憲 母弟晃 母弟勛

凡從

行臺公

金石錄卷一百二十五  
林廟之行者具有數而奠拜之禮亦各有差自叅議  
總領詳議鄉貫姓名已誌諸石維省掾屬吏當別刻  
之其歲月在叅議題名下故不復云仁傑書

省掾

東平王文

孟謙

古栗趙瑀

柯亭董英

陽

平侯琪

屬吏

柯亭李滋

曹南吳欽

東平王恕

呂松

漳

川王鼎

葵丘劉信

絃歌王祐

王磐等題記

七行行六字  
行書左行

永年王磐陳郡徐世隆嶧山顏從傑渾水劉郁自東  
原來恭謁

先聖廟庭因奠

墳林壬寅歲秋九月廿有八日

孫天益等題記

三行行十  
一字行書

歷下孫天益上谷信世昌從

行臺公再祀

林廟歲己酉立秋日謹題

楊奐等題記

八行行七  
字行書

壬子春三月甲辰十六日庚戌奉天楊奐上谷劉詡

盧龍韓文獻任城張鐸彭城王明遠梁口張宇陳郡  
王元慶古汴敦敏祇謁

賈起等題記

五行行十一字  
九字不等行書

歲在壬子九月十一日早口天宇澄霽東原賈起口

平王庭敬謁

廟林謹誌其來彭城王明遠從行

溫惠潤等題記

五行行十八  
字正書左行

歲甲寅夏四月八日恭謁

聖祠拜于

林墓金源道人溫惠潤遼陽幹勒堅金城史周潔陽  
程知柔同來男六九學生東平徐炎從行浚都趙晉

敬題

劉惠淵詩

十一行行十一字十  
字十九字不等正書

拜謁

至聖文宣王廟畱題

七十遑遑席靡安周流列國始旋轅發闢

天理見經旨整頓人倫窒亂源比德唐虞賢更遠齊

仁覆載衛彌尊

君王師範渾無報世世榮封裕後昆

丙辰仲冬朔蓬山劉惠淵拜手稽首上

提領曲阜縣事東平呂仁命工刊委差白清從行

匠石杜溫

馬惟能等題記

四行行十二字十字九字不等正書

中統二年冬十月二十有三日提控監修林廟官馬惟能廟學教授王庭珍監修官益福同來祇謁祠下呂文穆廷試第一後為賢相此文殊弱不稱白崇矩書大似孫崇望而遜其圓逸二人皆以書待詔者見

一時所尚如此

石墨鐫華

宋史孔宜傳太平興國八年詔修曲阜孔子廟宜貢方物為謝詔褒之其詔載曲阜縣志云素王之教歷

代所宗當予治定之初特展修崇之典汝襲封闕里就列周行虔備貢輸慶茲輪奐省聞嘉獎不忘于懷碑陰題字十一段惟末段有中統二年紀號餘皆無年月間有干支大率是金元間人題名上層第一段省掾屬吏從行臺公謁林廟題名第二段壬寅歲王磐徐世隆等題名第三段歲己酉孫天益等從行臺公再祀林廟題名所稱行臺公者即東平路行軍萬戶巖實也壬寅乃元太宗崩後六皇后稱制之初己酉則元定宗崩後之次年據雲峰山題名己酉七月大行臺謁嶽祠從行者東平叅議王玉汝及張昉李

滋杜仁傑孟謙題記者徐世隆此碑初謁林廟不書年月再祀林廟亦在己酉立秋與謁嶽祠同時事矣

山左金石志

按此碑乃太宗太平興國八年新修曲阜孔廟落成勅呂蒙正撰文白崇矩書篆立石廟門宋史列傳呂蒙正字聖功河南人太平興國二年擢進士第一歷官著作郎直史館加左拾遺五年拜左補闕知制誥父卒起復遷都官郎中入爲翰林學士碑題起復以後官與傳合白崇矩無傳碑陰題四十四代孫左贊善大夫襲封文宣公宜母弟著作郎監榷貨憲母弟晃母弟勛文獻通考載太平興國三年詔孔宜可授太子右贊善大夫襲封文宣公蓋至是襲封已六年惟右贊善碑作左爲異宋史孔宣傳宜字不疑舉進士不第乾德中詣闕上書述其家世詔以爲曲阜主簿歷官南康軍代還獻文賦數十篇太宗覽而嘉之召見問以孔子世嗣因下詔曰素王之道百代所崇傳祚襲封抑存典則文宣王四十四代孫司農寺丞宜服勤素業砥礪廉隅承歷官聯洽聞政績聖人之後世德不衰俾登朝倫以光儒胄可太子右贊善大夫

亦作右與



碑襲封文宣公復其家太平興國八年詔修曲阜孔子廟宣貢方物爲謝詔褒之遷殿中丞次日憲

太平興國二年進士及第官工部員外郎知浚儀

縣次日晁碑作晁應城主簿次日勗雍熙中進士及

第碑題聖裔見於史傳者如是宋史禮志載太宗

卽位之八年泰山父老千餘人詣闕請東封帝謙

讓未遑厚賜以遣之明年宰臣宋琪率文武官僧

道耆壽三上表以請乃詔以十一月二十一日有

事于泰山旣而乾元文明二殿災詔停封禪此碑

建于八年十月而銘詞已有帝將東封兮求福上

元云云似已允羣臣之請不待明年矣碑陰載內

品高品等姓名宋史職官志內侍省宋初有內中

高品班院泰寧節度使泰寧軍本兗州見宋史地

理志節度使孫承祐史附吳越世家杭州錢塘人

錢俶納其姊爲妃太平興國中俶來朝盡獻其地

徙承祐秦寧軍節度使餘人俱無攷碑陰又有仁

傑書云凡從行臺公林廟之行自叅議總領詳議

鄉貫姓名已誌諸石云云仁傑爲杜仁傑行臺公

爲嚴實皆元初人山左金石志已詳惟所云叅議

等已誌諸石今此石未見

上清太平宮鐘記

表本高廣行字皆不計正書

朝奉郎尚書駕部□□□□□□制誥柱國賜緋魚

袋臣王化基奉□勅撰

翰林待□詔將仕郎守將□□□□□□書院祇候

賜緋魚袋臣趙緯奉□勅書

粵自氣初別類物已流行統萬策以強名道其大也誘羣生而示化教以行之大既無隅惟體元而象立行雖有約因假物以信彰庶洞達於觀聞俾咸遵於警策崇以列真之字用集靈仙助其扣寂之音必資利器器之

大者鐘實存焉而蓋日月運行鐘司其□陰陽啓閉鐘體其宜猶圭表之節晦明若震雷之權號令節不差則□□秩權不紊則歲功成爰則象以播形期導人而敷教使聲聞於羣動冀響應以知歸則勤行之流聲始而善作□誘之者聲終而惡悛信無刑之章程真善閑之關鍵其為用也詎可誣焉然而道云未行物亦拘否或因罹於□□乃往適於殊途待徵來復之言必偶會昌之運

皇上富有瀛海端居穆清法虛無以用心貴慈儉以為寶□屬文垂教言皆合於麤機作事庇民動悉符於天意每希□以凝想欲躋時於太和謂專靜守

邦必先於專動謂無爲御世必肇於有爲庶幾一致於  
理平觸類咸資於聖作絲是啓帝王之盛業

建開拓之嘉謀或伸義於懷柔或推功於吊伐乃  
舞于而來遠裔亦提劍以征不庭則東南負海之邦旋  
聞請吏口勇近胡之地親係降王指多壘以削平俾萬  
邦而率服然後奉祖宗而嚴禋配豐稼穡以潔粢盛振  
久隆之闕文舉曠行之大典屢升泰時一祀青壇恭贄  
三牲報本所以伸大禮親耕千畝勸農所以推至誠復  
念治國大端樹人爲本徵將相取材之地在孝廉敦古  
之流於是籠羅英翹躬自題品平衡一設誠靡失於重  
輕懸鑑洞開固不私於妍醜得人之盛振古未聞斯乃  
成戎祀之功盡賢能之選舉其大者而無虛歲矣以其  
司牧蒸黎邦家重柄郡國至廣賦輿寔繁以長物親民  
受憐舒之寄以庶官釐務有利病之權每慎簡於乃僚  
俾勵精而求理凡在推擇悉關聖心恒運彀中

之才以成宇內之計斯乃用人熙績而無虛月矣加以  
求衣未明負辰南面慮德刑之未正恐恩信之未孚體  
民間情通天下壅每臨軒而決滯恒盱食以忘勞斯乃  
勤政孜孜而無虛日矣夫以聖神之理運化無窮體用  
則顯諸仁濟功則至於道道啓寘感元符上心表

惟德以動天乃降神於右地建壽宮而雲臺儼元像以  
星陳賜號太平示清淨以寧也尊名翊聖知皇天輔德  
也其宮宇規模之盛神靈勝鬻之徵具載豐碑不煩賡  
述爰命道士張守真主張其事本宮器用惟鐘闕焉道  
士張守真詢彼傳聞得諸耆舊昔李茂貞竊據之時嘗  
移古道宮樓觀鐘於天柱山懸挂僅已百載葺無聞焉  
用聲不同然非啞而猶啞設器未當雖弗虛而若虛必  
待 盛時始彰靈跡驗其鐘右則誌記昭然起雲鶴  
之形列天仙之狀神異之物於斯證焉感通之徵茲又  
明矣道士張守真具以上請於太平興國五年閏三月  
三日 詔移是鐘歸於本宮口所謂道有污隆跡惟  
隱顯道污則隱在唐季道隆則顯於我朝宛契珍符聿  
歸 聖運大矣六齊之制巍然九口口口層樓特建  
於新規猛篋重懸於舊物伏獸之形菌蠢畏鯨之響旬  
旬揚颺助威則天地鼓橐震懾生動則雷口口口魑魅  
以之遁形愚輩以之抉瞶使昏明不忒動靜叶宜動則  
警俗沉迷靜則與時休息足以彰明元貺啓迪口口庶  
符尊道之朝來助不言之教臣恭承 睿旨俾志前聞  
媿屬思以榛蕪但凝神於恍惚器仍舊貫如還赤水之  
珠文用紀年遂刊他山之石時皇宋耕藉之元年七月

九日記

上清太平宮主崇龔大師賜紫張守真

長安忠善居士黃德用刊

副宮楊志振模

按上清太平宮興建緣起已詳前碑此碑爲王化基趙偉奉勅撰書宋史列傳王化基字永圖鎮定人太平興國二年舉進士爲大理評事通判常州遷太子右贊善大夫知嵐州改淮南節度判官入爲著作郎遷右拾遺召試知制誥此碑結銜中泐六字而存者曰朝奉郎尚書駕部則傳未嘗爲駕

部官也趙偉無攷文云昔李茂貞竊據之時嘗移古道宮樓觀鐘於天柱山懸挂道士張守真具以請太平興國五年閏三月三日詔移是鐘歸于本宮然則此鐘從天柱山移來矣陝西通志不載天柱山卽樓觀之有鐘亦未述及歐五代史雜傳梁太祖卽位諸侯之彊者皆相次稱帝獨茂貞但稱岐王開府置官屬視朝出入擬天子而已有地二十州云云此卽李茂貞竊據之事也碑末不紀號而曰皇宋耕藉之元年宋史太宗紀端拱元年春正月乙亥親耕藉田還御丹鳳樓大赦改元則

碑建於端拱元年七月在移鐘後九年矣

新譯三藏聖教序

碑高六尺八寸三分廣四尺五寸二寸  
十行行四十字隸書篆額在西安府

大宋新譯三藏聖教序

應運統天睿文英武大聖至明廣孝皇帝製

永興軍太壹山開利寺沙門臣雲勝書并篆額

大矣哉我佛之教也化導羣迷闡揚宗性廣博宏辯英

彥莫能究其旨精微妙說庸愚豈可度其源義理幽邃

真空莫測苞括萬象譬喻無垠綜濼網之紀綱演無際

之正教拔四生於苦海譯三藏之秘言天地變化乎陰

陽日月盈虧乎寒暑大則說諸善惡細則比於恒沙含

識萬端弗可盡述若窺像濼如影隨形離六情以長存

歷千劫劫而可久須彌納藏於芥子如來坦蕩於無邊達

磨西來濼傳東土宣揚妙理順從指歸彼岸菩提愛河

生滅用行於五濁惡趣拯溺於三業迷中經垂世以難

窮道無私而永泰雪山貝葉若銀臺之耀齒歲月煙蘿

超香界之自遠巍巍罕側沓沓難名所以道資十聖德

被三賢至道起於乾元衆妙生乎太易摠繇形類竅鑿

昏明絕彼是非開茲蒙昧有西域濼師天息災等常持

四忍早悟三乘翻貝葉之真詮續人天之聖教芳猷重

啓運偶昌時潤五聲於文章暢四始於風律堂堂容止  
穆穆輝華曠劫而昏墊重明靈門昭顯軌範而彌光妙

法淨界騰音利益有情俱登覺岸無成障礙救諸疲羸  
冥睠慈悲浩汗物表柔伏貪佞啓滌昏愚演小乘聲聞

合其儀論大乘正覺立其性含靈悟而蒙福藏教缺而  
重興幻化迷途火三淡喻雖設其教不知者多善念生

而無量潛臻惡業興而隨緣皆墮調御四衆積行十方  
澍華雨於金輪護恒沙於玉闕有頂之風不可壞無際

之水弗能凜澄寂湛然園明清淨之智慧性空無染妄  
想解脫之因緣可以離煩惱於心田可以得清涼於宇

宙朕慙非博學釋典微閑豈戡序文以示來者如縻螢  
燭火不足比之於皦日將微蠡量海未能窮盡於溟困  
者哉

端拱元年歲次戊口口月甲寅朔七日庚申建

推口口口口臣涪州管内觀察使檢校太保知永興

軍府事兼提轄五州兵士公事柴禹錫

起居舍人陝西轉運使口口口口中丞陝西轉運

副使鄭文寶

密儀使永興等州兵馬駐泊都監王審鈞

殿中丞陝西轉運提點刑獄口口口口口口口口候高班

金石錄編卷一百一十五  
內品提點酒稅方保言

殿中丞通判軍府事王扶

供奉官兵馬監押吳元範

殿直同監押口口口口度行軍司馬水丘隆

觀察判官臧恕

觀察支使崔憲

節度推官趙湘立石

李邈題銜

西域僧天息災譯三藏太宗爲序雲勝書天息災無  
元裝師之奇異太宗無唐文皇之雄才雲勝無懷仁

之手腕又無王逸少之殘墨斷楮足供其補綴時代

既非不能超乘而上矣后之爲不朽者難哉

石墨  
鑄華

右新譯三藏聖教序太宗御製蓋爲西域僧天息災

等譯經而作攷宋史雍熙二年十月丙午以天竺僧

天息災施護法天竝爲朝請大夫試鴻臚少卿益獎

其譯經之勞也碑爲沙門雲勝書後列涪州觀察使

知永興軍府事柴禹錫等名則李邈所書然隸法却

如出一手宋史鄭文寶傳授陝西轉運副使內侍方

保吉出使陝右頗恣橫且言文寶與陳堯叟交游爲

薦其弟堯佐驛令辯對上書自明太宗察其事坐保



吉罪厚賜文寶而遣之此碑有祇候高班即班字內品

提點酒稅方保言次文寶之後豈即其人乎吉言字

形相近當是轉寫之譌禹錫官檢校太保史亦失書

潛研堂金石文跋尾

按今大藏盡字號有佛說大摩里支菩薩經四卷

題曰宋西天三藏朝散大夫試鴻臚少卿明教大

師天息災譯卷首即冠以此序天息災所譯經甚

多幾與姚秦鳩摩羅什唐元奘相埒特舉一經以

冠此序序蓋不為一經作也當時既以此序冠於

經首又別鐫石為此碑碑文泐者三十五字今取

大藏經首所刻增注完全惟末行年月泐二字題

名結銜共泐二十字經本所無無從增補然年月

所泐尚有可攷端拱元年為戊子歲是年甲寅朔

為十月則為戊子十月字也碑刻於戊子十月而

太宗製序賜天竺三藏法師天息災則佛祖通載

繫于戊寅年蓋太平興國三年也王圻續文獻通

考誤繫于元年譯經院置于太平興國七年六月

丙子見宋史太宗本紀佛祖通載云是年詔立譯

經傳法院于東京如唐故事宰輔為譯經潤文設

官分職西天中印土惹爛陀羅國密林寺天息災

與法天施護譯經帝製前序按此疑有傳誤今大藏所載及佛祖通載實只一序並非賜天息災之外別製前序也法天施護亦各有賜號據大藏所載法天爲西天中印度摩伽羅國三藏宏教佛智大師施護爲西天北印度烏填曩國三藏傳法大師帝釋宮寺賜紫沙門並未嘗賜朝散大夫試鴻臚少卿此似宋史本紀訛也據大藏同時別有法賢惟淨法護三人皆稱朝散大夫試鴻臚少卿宋紀不載此三人而誤以法天施護牽連書之耳碑字前題太宗尊號曰應運統天睿文英武大聖至明廣孝皇帝據宋紀是太平興國六年所上則立碑時宜有此題若製序時未上此號也年月後列銜名九人宋史列傳柴禹錫字元圭大名人官與碑合惟不載提轄及功臣號與檢校太保耳鄭文寶字仲賢太平興國八年登進士第累官殿中丞授陝西轉運副使而不言其爲起居舍人王審鈞以下無攷水邱複姓見王氏續通考而不詳其郡望立石者趙湘傳載字巨源華州人進士甲科歷彰武永興昭武三軍節度推官

鎮州龍興寺鑄像修閣碑

碑高一丈三尺九寸廣五尺二寸二十七行行八十五字行書在正定府

大宋重修鑄鎮州龍興寺大悲像并閣碑銘 并序

朝奉郎尚書兵部員外口知制誥柱國賜緋魚袋

臣田錫奉勅撰

翰林待詔將仕郎口少府口主簿口御書院祗候

賜緋魚袋臣吳郢奉勅書并篆額

國家改元曰端拱之年有司下鎮陽之奏以大悲銅像  
鎔範既久高閣精廬締構已就琢佗山之石嚮請好詞  
以銘鏤秋七月天子視朔于明堂之日

王言如綸乃命詞臣俾濡染摭實之文叙修口廢興之  
事臣再拜稽首惶恐祇肅以爲刻貞石垂不朽揚

聖朝崇建之本末視後人耳目之聽信苟非鴻儒碩  
生有大手筆空門實相達口心觀則安能抽秘思荅

明詔徒以末學膚淺味道荒忽聊敘萬分之一也  
夫隨感而通能救諸苦謂之大慈大悲乎應變無方能  
現諸相謂之千手千眼乎然真性本空不生亦不滅真  
數前定有廢口有興周顯德中世宗納近臣之

議以爲奄有封畧不過千里所謂租庸不豐邊備技貫  
屢空於軍實算口莫濟於時須於是詔天下毀銅像鼓  
鑄以爲錢貨利用以資帑財金人其萎梁本其壞化身

從革通有無於市征圓府流口豈執著於我相而惟鎮之邦惟鎮之民萬人聚千人計惜成功口見毀冀上意以中輟雖卜式出財以有助而黃皇執議以不迴洎像壞之際於蓮葉之中有字曰遇顯卽毀無乃前定之數乎物不可以終隳必授之以興復時不可以終否必授之以隆昌

我國家應乎天順口人革有周

之正朔造

皇宋之基業南取越西平蜀崇道教

與佛法無文咸秩隳像重興乾德中乃命重鑄大悲之像于是邦也虞衡伐木司燿用火法陰陽以爲炭口天地以成鑪豈萬物之銅萬靈之庸憑

帝力以神

速因匠哲而功倍旣而鎔成滿月之容如冠輕霞昇于顛口青蓮爲目天花飾躬四十二辭金色瞳矐七十三口寶相穹隆仰之彌口瞻之益恭洎構以摩雲之閣如褐蓬壺倚於遼廓口口旋題風清寶鐸十口三襲危梁

亞躍重階復道飛棟電燿夕月瑩其藻繪朝霞飾其丹

獲有周之毀也旣如彼

我宋之興也復如此

今皇帝嗣鴻業凝

睿圖運應千齡

道超三古成湯克己稱其德也謂齊聖廣淵帝堯爲心稱其道也曰聰明口思用七德誦五口口口禮義德刑爲戰器壇四海宇萬方而以動植黎元躋壽域豆籩有

踐配烈祖於上鑿金石成文謁先師於太學列儒臣  
以侍講祀先農以躬耕禮容彬彬 帝儀穆穆六

服羣辟罔不率口四夷左衽罔不口口延虎觀以議優  
兵訪鵜林以俟檢玉包匭述菁茅之職公車獻封禪之  
書豈不由德動天天道順星辰軌道風雨咸若來浙師  
俘晉主祥麟出黃河清天且弗違况於人乎佛猶其依  
况於鬼神乎越太平興國之七年秋仲口月粵有口莠  
其名瓊法祇受 宣旨專主佛閣焚修勤恪住持

教化以為像之設也口閣之成也宜周之以廊宇嚴之  
以閑閤於是經之營之七年于茲化輿口鳩眾財人心

口財用備土木其萃班倕斯至始揆日以悅使俄有時  
而告成長廊翼舒迴暎口其干拄重門洞啓壯麗豁然  
四達然瓊法有如是勤如是化也是緣如是功乎噫民  
有餘財方能施佛財眾有羨利方能修福利引而伸之  
夫所寶者慈與儉所修者禮與樂叙彝倫建皇極生民  
所以獲福者中國 聖人之教也所去者貪嗔  
癡所修者戒定慧諸天由修福生諸趣由造罪入超無  
生證無漏者四方釋氏之教也然非 明聖在上

則像法疇依非富庶在下則塔廟不立今公帑有羨財  
國廩有餘積可以營佛事創梵宮不害民不妨農農亦

有餘口民亦有經產可以捨淨財結善緣聞鐘磬之音  
則隨喜之心生觀慈悲之相則口口口口起口花由是  
獻金幣由是臻讚  
睿澤如東溟之深祝

聖壽若南山之固其應如響獲福無量也臣文非潤色  
職在司言祇  
詔徬徨命筆數四以為文不迨意

意不迨理理不達於真諦文不稱於  
王命江淹  
才盡寧摛五色之毫相如思遲徒奉  
九重之旨

銘曰

吾皇御宇 運膺下武 金玉王度 為佛法主 易  
不云 聖人作而萬物覩 禮有中庸 易有變通

筌蹄至理 與佛 同臣所謂 王澤流而三寶方崇  
天生蒸民 樹之司口口口 帝力 謂衣食自足

所以歸依佛歸依法 而獲天人之福 佛度衆生  
攝以慈悲 莫測神化 以感應無遺 所以不可

量不可思 而為口人之師 範金成象之容 瞻仰  
雲中 傍雙列於口 曰嚴厥功 上棟下宇之制

岌業空際 高特出於樓臺 彫鏤其麗 若土若  
庶 至菩薩前 稽首發願 結其因緣 無遠無近

觀菩薩相 膜拜展禮 除其罪障 其毀也無乃  
示有周口口 其口也口以彰 皇宋其昌 詔下創

立 聖謨洋洋 功成磊落 福善穰穰 口鎮之邦  
在冀之方 全趙封圻以畫野 恒山鬱盤以連崗  
慈爲雲方敷蔭 慧爲日方揚光 祐我 聖皇  
寶祚□□

端拱二年歲次己丑正月癸未朔十五日丁酉建立  
李思順李嶽李繼元鐫字

按龍興寺鑄大悲像建大悲閣皆乾德元年事已  
詳前碑此碑則以主閣僧瓊法於太平興國七年  
建廊宇殿門工竣上聞乃勅田錫吳郢撰書立石  
以紀田錫宋史傳稱字表聖嘉州洪雅人太平興  
國三年進士八年由知睦州轉起居舍人判登聞  
鼓院知制誥加兵部員外郎吳郢無傳兪州山人  
藁有吳郢真宗時人大相國寺碑銘咸平四年宋  
白撰吳郢書并篆額而不載此碑未知卽此吳郢  
否御書院祇候不見于宋史職官志及馬氏通考  
以臆度之卽翰林供奉之類無專員也

潭州鐵塔柱文

裝本高廣行字皆不計  
正書在長沙府鐵佛寺

潭州鐵塔觀世音陀羅尼

上生三皈依發願文

南無兜率天宮慈氏如來應正等覺願與含識速奉慈顏

南無兜率天宮慈氏如來應正等覺所居內眾願捨命已得生其中

南無兜率天宮慈氏如來應正等覺願隨彌勒下閻浮提龍華三會先得授記

往生內院真言咒不錄

潭州管內觀察口官李思明發心鑄寫於塔普願一切有口同生慈氏內院

進士董護書

開福禪寺傳法沙門道崧鑄經

所有上件功德願國泰民安風調雨順法界含靈俱登彼岸

宋淳化元年庚寅歲

李昇鑄字

兜羅尼經寺僧鐫之率用石幢今其存者遍天下而

頽損斷仆往往為好事所收予獨以其釋氏言棄之

不錄也甲辰冬在長沙得此經文其製用鐵柱鐫勒

長八尺餘各有稜觚外覆有磚塔蓋其善自護惜如

此嗚呼三代鼎彝之文流傳及諸後世皆銘于金刻

故雖其沈沒發見終不可知然銘勒獨較石為全今



陶鑄之工日趨簡易吾儕興役者亦漫不知所事焉而釋氏之徒能重其師之說獨欲見諸久遠如是柱者是可異也夫

按堂金石三跋

按鐵塔今在長沙府鐵佛寺宋時謂之潭州潭州志唐開元時衡岳降神舍鐵造佛兼以鑄塔乾隆四十年梁中丞階平國治修寺工畢次及塔除舊簷得塔柱如幢貫塔中高丈有四尺圍尺有八寸上刻三所依發願文南無兜率天宮慈氏如來云云次刻往生內院真言後題云潭州管內觀察口

官

湖一字當是推官

李思明發心鑄寫於塔普願一切有

情同生慈氏內院次刻千臂千眼觀世音菩薩陀羅尼大身真言進士董護書僧曰道崧工曰李昇淳化元年鐫計字七百六十有奇臬使梁君幼循敦書揭以見遺嘗作詩題其後按兜率天宮者法念經云若持不殺不盜不邪淫不妄語兩舌惡口綺語得生兜率陀天陀羅尼者宋僧無畏傳夫三藏之義者內爲戒定慧外爲經律論以陀羅尼總攝之也陀羅尼是菩薩速疾之詮解脫吉祥之海三世諸佛生於此門慧照所傳一燈而已又佛頂心經觀世音菩薩說此陀羅尼已天雨寶花繽紛

而下云云此卽所謂觀世音陀羅尼也夫往生內院卽往生淨土淨土者各處佛國皆有之故楞嚴有想多情少必生天上又有一切淨土隨意往生之語大勢至五十二菩薩亦稱念佛三昧而不專指西方此文言慈氏居住兜率天宮而慈氏說法有內院外院之分是亦淨土也外院遇劫時爲水火風三災所到內院則三災所不到是以修上生者必歸之白文公詩有海山不是吾歸處歸卽要歸兜率天謂此也

拜文宣王廟記

碑連額高五尺九寸廣二尺八寸五分十三行行二十八字隸書篆額在曲阜孔廟

拜文宣王廟記

給事中撰

行陳州長史彭宸書

給事中徐休復承

聖君之命禱

神嶽之

靈迴轅載途思近

我先聖之邑繇是陳薄奠拜

明祠裴回廟庭歎想增積何者昔以總角之歲

曾佩鞶以來斯今當艾服之季乃乘輶而再至嚙向非

服

我先聖之道學

我先師之文明曷以

脫紅塵上清漢要金拖紫入玉陛而侍

珠旒者

哉謂前忝左諫議大夫充樞密直學士次任三司戶部使今休復家藏先

聖之書室供先師之像設以今生之行更求後

代之因而願子子孫孫長遵於聖教生生世世不離於

儒門者誠所禱也惟王至明神聽如在

皆大宋淳化二年三月十五日記

朝奉郎守太子左贊善大夫知兗州軍府事賜緋魚

袋常顯信建立

石作白昴鐫

按此碑徐休復撰彭辰隸書記前一行但云給事中  
中撰不署姓名亦舛見也宋史傳稱休復字廣初

濮州鄆城人太平興國初舉進士解褐大理評事

出為通判薦授太子右贊善大夫累遷比部郎中

充樞密直學士賜金紫端拱初加左諫議大夫召

為戶部使淳化元年遷給事中連知青澗二州休

復先上言以父母藁葬青社願得領州事因營邱

壠遂至青州傳載其歷官如此此碑立于淳化二

年四月十五日正其未至青州以前所記也文云

承聖君之命禱神嶽之靈宋紀淳化二年三月已

巳以歲蝗旱禱雨弗應手詔宰相呂蒙正等朕將

自焚以答天譴翌日而雨蝗盡死而不書遣官徧

禱嶽瀆之事據此文休復似係禱雨泰山迴轅而拜孔廟也又昔以總角之歲曾佩鞶以來斯此卽傳所謂父母藁葬青社者必是其父曾官青州道經曲阜休復從行其時尚幼也要金拖紫與傳中賜金紫合諫議樞密戶部之官注於記內亦碑文之枴格而注內不言知青州是未有此命也文筆鄙猥書亦醜拙姑錄存之不足深論

### 西京白馬寺記

碑高一丈四尺廣五尺八寸二十行行五十五至五十七字行書在洛陽

### 大宋重修西京白馬寺記

翰林學士承旨朝請大夫中書舍人上柱國賜紫

金魚袋蘇易簡奉

翰林院待詔朝奉郎秘書丞同正兼御書院口

候賜口口口口文口口

東周舊壤西洛名都景氣澄清風物奇秀長源渺

渺元龜負書之川平隰依依自馬馱經之地考其由為

中國招提之始語其要居兩京繁會之間歷累

朝而久鬱禎苻偶昌運而薦陳靈賦不有興茸

寧昭德音法天崇道皇帝端拱北辰委裘南面

步攝提而重張歲紀把鈞陳而并紐軋綱實異俗於藁

街納生民於壽域尚或探元象外訪道環端

已虛懷法媯納無為之化疑神靜想憶靈山授恭

記之言省鴻名崇十號之空王畢皇居峻

三休之妙觀坐致華胥之境平登安養之方慈雲遠覆

於冰天法浪遐滋於桂水東踰漲海揚帆頌貝葉之書

西洎流沙刻石紀金剛之座勤行之能事著矣

陰騰之元功大矣居一日謂近臣曰朕

嘗探蹟造化窮研載藉祀彼河海猶分其先後警諸水

木尚本其根源觀夫像教斯來真誠下濟誠由彼摩騰

竺二法蘭二法師者揚菴園之末緒越葱嶺之修程百千

億佛始演其性宗四十二章章初宣其密義則何必伯陽

道德止畱關令之家倚相典墳傳自侯生之已而已哉

瞻彼維洛靈蹤尚存未旌勝緣良謂闕典時屬單闕直

歲勾芒馭辰龍星雖耀於雲壇鬼魄罕離於畢宿詢於

黔首未興雲漢之謠軫彼皇情已甚葉林之禱

命中使以馳騁竭仁祠而致誠憂勤上通靈應

如響豈獨商羊鼓舞但聞闕里之言力士沾濡惟紀開

元之代乃命鼎新偉構寅奉莊嚴採文石於他山下瑗

材於邃谷離婁騁督繩之妙馮夷掌置臬之司闕蓮宮

而洞開列紺毀而對峙圖八十種之尊相安二大師之

法苑靈骨宛如可驗來儀於竺國金姿穆若猶疑夢現

於漢庭天風高而寶鐸鏘洋晴霞散而雕拱輝赫周之

以繚垣浮柱飾之以法鼓勝幡遠含旬服之風光無殊

日域旁映洛陽之城闕更類天宮時則郊廓遊客輾轉

遺俗或黃髮飴背之老或元髻稚齒之童途謠巷歌相

与而謂曰吾皇帝之稽古務本也為蒼生而祈

福致金僊而降靈遂使權輿聖教之津將壅而復決經

始福出之所已圯而更興未覩時巡彌堅望幸

佇聽建圭立極踰姬公洛食之符檢玉升中越

孝武山呼之瑞臣生逢堯禹職符嚴徐自追

閬苑之勝遊粗得楞伽之真趣爰承詔旨命

紀歲時雖罄沒荒蕪欲繼金聲而莫及然勒銘琬口期

將火德以彌新口口口

口口口口口禋四月八日記

翟文 臣口 張口口刻

碑甚磨滅斷為二截有云缺默經之地口其由口中

國招提之始按洛陽伽藍記云白馬寺漢明帝所立

也佛入中國之始寺在西陽門外三里御道南帝夢

金人長六項皆日月光明胡神號曰佛遣使向西域

求之乃得經像焉時白馬負經而來因以為名故碑

亦云也碑年月殘缺惟存禩四月八日及前有翰林學士承旨朝請大夫中書舍人上柱國賜紫金中缺簡奉勅下缺云云知為蘇易簡也中州金石攷云只存上截今予所得有下截云易簡入為右拾遺知制誥除翰林學士淳化中充承旨見東都事畧本傳則此碑為淳化時立

中州金石記

按此碑文幾八百字而泐其半賴河南通志河南府白馬寺條下全載此文今取以互校旁注補足碑泐其歲月志亦不載据文攷之文云法天崇道皇帝宋史太宗紀端拱二年十二月辛酉羣臣上尊號曰法天崇道文武皇帝詔去文武二字然上尊號雖在是年而受尊號改元在淳化元年正月戊寅朔是年庚寅歲碑下云步攝提而重張歲紀攝提者寅也謂月日重合於歲紀也又云時屬單闕直歲勾芒馭辰龍星雖耀于雩壇兔魄罕離于畢宿單闕卯也淳化二年辛卯歲是年三月蝗旱禱雨史雖不載禱于嶽瀆據碑云命中使以馳驛竭仁祠而致誠是遣官禱于嵩嶽也

觀此益信前碑徐休復為

禱雨秦山之證

白馬寺因禱雨有應遂命新葺而蘇易簡秦勒撰文建立此碑以紀歲月然則此碑可信為

淳化二年立也碑紀白馬寺興建之始因及摩騰

竺法蘭按高僧傳攝摩騰一名迦釋摩騰本中天竺人漢

永平中明皇帝遣郎中蔡愔博士弟子秦景等使

往天竺尋訪佛法愔等於彼遇見摩騰乃要還漢

地至乎維邑明帝於城西門外立精舍以處之漢

地有沙門之始也騰譯四十二章一卷勅緘在蘭

臺石室騰所住處今維陽城西雍門外白馬寺是

也竺法蘭亦中天竺人蔡愔既至彼國蘭與摩騰

相隨而來既達維陽與騰同止愔於西域獲經卽

為翻譯所謂十地斷結佛本生法海藏佛本行四

十二章等五部移都寇亂四部失本不傳江左唯

四十二章經今見在漢地見存諸經唯此為始也

### 四皓廟碑

碑高六尺廣三尺文二十一行行五十一字隸書額題四皓廟碑四字篆書在商州

### 大元重立四皓廟碑

宋王禹偁撰

奉訓大夫集賢直學士兼國子司業蕭欒口口書丹

并篆額

易稱知進退存亾而不失其正者其唯聖人乎先生避

秦知亾也安劉知存也應孝惠之聘知進也拒高祖之



命知退也四者備矣而正在其中先生非聖尚孰為聖乎若其秦亂而不避則焚書坑儒高斯之流也漢危而不出則素隱行怪巢由之徒也應高祖之命則溺其冠而騎其項矣拒孝惠之聘則功不立而名不稱矣引而伸之先生可謂全德者矣嘗試論之曰古稱周公聖人也鞭伯禽教孺子居攝六年明辟未復而召公不說于內三叔流言于外盛德大業幾墜于地吁扶幼君秉大政之難也有如是哉觀乎戚姬之嬖如意之寵以妾竝后以孽代宗本根一搖社稷將墜謂扶蘇之喪邦胡亥之亾國可翹足而待也何止炎靈之不祀抑亦黔首之

罹禍豈無留侯陳八難罷六國則可議主鬯則以水而投石也豈無曲逆諫強楚解長平則可言立嫡則圓鑿而方柄也先生一出而助之一言而定之漢庭公卿皆出下而能錙銖鍾鼎桎梏衣冠安萬乘而不有其功抗匹夫而不食其祿自非至人達識孰能與于此乎向使先生定漢嗣為漢臣報恩議功必在平勃之右當以左輔右弼前疑後丞而處之居是皆也以四鉅賢事一少帝拔震主之威負不償之功又何止流言不說之事哉

欲望其茹紫芝卧商嶺其可得乎是知先生之出非獨謀漢也實將救時也先生之退非獨全身也亦將矯世

也危而護之不宴安于獨善可謂救乎咎矣定而去之不乘時以聚祿可謂矯乎世矣用是警民猶有建桓立

順之徒矣嗚呼世之為人臣議廢立者可勝道哉或因

定策而專國或因接立而無君戕弑兇殘何莫由此其

後滔天子莽卓盜國于曹馬移徙龜鼎易于奕棋纍纍

簡編可為太息是以先生危則助之安則去之其來也

至公于萬民其往也無私于一身前所謂知進退存亡

而不失其正者千古四賢而已或曰周公相成王攝天

子功成治定制禮作樂號為先聖歷代仰之豈先生之

道過于周公乎愚曰周公乘文武之業知王化可與故

輔之以行道焉先生當暴秦之後知霸道終雜故去之

以遠害焉周公聖人之用者先生聖人之晦者但皆異

而迹殊耳非所謂過乎周公者也辛卯歲予坐事解制

誥職翌日有商於二使之命下車拜廟西山之側退立

廊廡古碑在焉自唐御史大夫贊皇李公而下作者若

千人因歷覽之美則美矣叙先生之道似有未盡就館

濡筆申之以碑斯文也豈直歌鴻飛狀鶴髮而已哉實

欲使立朝廷為臣子而挾幼冲圖富貴者聞而知懼亦

春秋誅亂臣賊子之旨也其辭曰

猗歟先生 時行則行 高眠商嶺 逃難秦坑 知

秦之祚 亾于子嬰 知漢之祚 存于惠盈 一言

悟主 萬邦以貞 不有其功 不食其祿 遠害全

身 矯世勵俗 清泉洗耳 紫芝充腹 獵犬自烹

冥鴻不復 矯矯高節 悠悠後來 漢之辰園

首之愍懷 江充厚誣 賈后雄猜 先生不生 孰

為來哉 昏亂之世 廢立不已 操欺孤兒 莽抱

孺子 成既自我 權亦歸己 先生不生 大事去

矣 蒼野戔戔 祠荒薜蘿 遺像斯在 惠音可歌

清風凜凜 素髮皤皤 永懷貞道 刻石山阿

大惠九年歲次乙巳十一月吉口重立石

承事郎安西路同知商州事口口口

奉訓大夫新除商州知州兼管本州諸軍奧魯勸農

事謝梧口

口德郎安西路商州知州兼管本州諸軍奧魯勸農

事口銓

口騎校尉安西路商州達魯花赤兼管本州諸軍奧

魯勸農事口口

按此碑王禹偁撰文稱辛卯歲坐事解制誥職奉

商於二使之命下車拜廟歷覽古碑申以斯文宋

史傳禹偁字元之濟州鉅野人端拱二年拜左司

諫知制誥未幾判大理寺廬州妖尼道安誣訟徐  
鉉道安當反坐有詔勿治禹偁抗疏雪鉉請論道  
安罪坐貶商州團練副使卽碑所謂坐事解制誥  
職奉使商於也商於者卽商鞅所封之地秦置商  
邑漢置商縣隋改商洛縣屬上洛郡唐置商州縣  
屬焉宋因之二使者副使也二與貳同傳又稱禹  
偁官商州歲餘卽移解州四年召拜左正言此文  
稱辛卯歲使商州下車拜廟辛卯是太宗淳化二  
年端拱本無四年史文蓋脫淳化字也據傳推之  
此文當作於淳化二年拜廟之時矣商州四皓廟

有二一在州東七十里商洛鎮一在州東金雞原  
陝西通志載此廟有唐柳宗元宋王禹偁撰碑而  
不言禹偁碑何年所刻此碑末題大德九年重立  
石必是宋時先已立碑不知毀于何年也金雞原  
有山曰高車山太平寰宇記高車山上有四皓碑  
及祠皆漢惠帝所立高后使張良以駟馬高車迎  
四皓於此故名然則祠中有漢碑矣此碑則云退  
立廊廡古碑在焉自唐御史大夫贊皇李公而下  
作者若干人是禹偁所見有多碑而所謂古碑者  
不知卽寰宇記所稱漢惠帝所立之碑否耶今就

廟中搨得者僅此大德重立之禹偁一碑其餘不  
惟漢碑無攷卽柳子厚李贊皇二碑亦未見矣傳  
稱禹偁九歲能文所著有小畜集二十卷承明集  
十卷奏議十卷詩三卷今存于四庫全書者統名  
小畜集三十卷與晁陳二家所載同蓋據平陽趙  
氏影宋刻本然其集行世不廣而此碑又舊刻無  
傳因就大德所刻錄存之文泐者六十餘字昶家  
舊藏小畜集鈔本取以校補書者蕭斲元史儒林  
傳字惟斗奉元人讀書南山者三十年大德十一  
年以前累授集賢直學士國子司業改集賢侍讀

學士皆不赴此碑題直學士司業兩官雖不赴仍  
用以系銜也然傳獨不及其工篆隸書卽書譜亦  
不列其傳可知此碑傳搨者少斲爲有元一代名  
儒不可不存其蹟則此碑尤宜亟錄也宋署商州  
守土官四人其曰安西路者元史地理志中統三  
年立陝西四川行省治京兆至元十六年改京兆  
爲安西路總管府商州屬焉其曰奧魯勸農者百  
官志散府達魯花赤一員知府或府尹一員領勸  
農奧魯與路同諸州惟有達魯花赤與知州同秩  
不云領勸農奧魯據此碑則知州亦兼管諸軍奧



